

La Biblioteca Nacional de França

1 / Dins Paris

Siti Francés Mitterrand, Quai Francés Mitterrand 75013 Paris

Biblioteca d'en aut de jardin : 1700 plaças.

Dubèrtas a tot public de mai de sege ans, lei dètz salas de lectura recampan de colleccions d'imprimits, de documents sonòres, multimedia e de films (documentaris e ficcions). Amb la ret dei ressorças numericas (basas en linhas, libres e periodics electronics) mai de 300 000 documents son en accés liure.

Lei colleccions son organizadas per salas : Recerca bibliografica, libre, bibliotècas ; Filosofia, istòria, sciéncias de l'òme ; Literatura e art ; Literatura per la joinessa; Sciéncias e tecnicas ; Drech, economia, politica ; Audiovisuau.

La sala de premsa prepausa una larga seleccion de premsa d'informacion generala e d'actualitat francesa (nacionala e regionala) e forastièra, sota fòrma imprimida o electronica.

A-n aqueste nivèu se tròban perèu doas galariás d'exposicion, la Galariá dei donators e la presentacion permanenta de dos caps d'òbras de la cartografia baròca : Lei Glòbes de Lois XIV, dos auditoriums e una librariá. De manifestacions culturalas (collòquis, conferéncias, lectures, concèrts) i son regularament organizadas.

Biblioteca de recerca:1500 plaças

A quatorze salas de lectura repartidas per disciplinas e accessibles sus acreditacion.

Lei colleccions son organizadas per salas : Recerca bibliografica ;Filosofia, istòria, sciéncias de l'òme ; Drech, economia, politica ; Audiovisuau ; Sciéncias e tecnicas ; literatua e art ; Resèrva de libres rars.

Lei colleccions patrimonialas representan pas luenh de 11 milions de documents multisupòrts, comunicats sus demanda, e se i pòu apondre leis archius de l'internet. Per facilitar la recerca, lo lector dispausa de 340 000 obratges de referéncia en accés liure.

La biblioteca de recerca assosta, dins la sala de l'Audiovisuau, lo centre de consultacion de l'INA (Institut nacionau de l'audiovisua) que gerís lo depaus legau dei programas de la radio e de la television francesa e tanben l'antena de consultacion deis Archius francés dau film dau Centre nacionau dau cinema e de l'imatge animat (CNC).

Siti Richelieu, 5, carrièra Vivienne 75002 Paris

342 plaças

Lo siti istoric de Richelieu assosta cinc despartiments de colleccions qui consèrvan 20 milions de documents :

lei manescrichs ; lei cartas e plans ; leis estampas e la fotografia ; leis arts de l'espèctacle ; lei monedas, medalhas e antics e de mai lo despartiment de la musica que se tròba au 2 carrièra Louvois.

Siti Biblioteca-Musèu de l'Opera, Palais Garnier, carrièra Scribe 75009 Paris

22 plaças

A la fes biblioteca patrimoniala e musèu, la Biblioteca-Musèu de l'Opera conserva dempuèi 1866 dins sei fons de documents literaris, musicaus, iconografics, administratius e museografics relatius au teatre liric e a la dança.

A dos espacis per de mòstras permanentas o temporàrias.

Aperaquí 370 000 documents (particions, maquetas de decòrs e de costumes, afichas, estampas, fotografias, dessenh, pinturas, esculturas, manescrichs e archius d'artistas, dorsiers de premsa, etc.) retraçan l'activitat de l'Opera e de l'Opera Comic e illustran la construccion e l'arquitectura dei dos teatres.

Siti Bibliotèca de l'Arsenau , 1 carrièra de Sully 75004 Paris

56 plaças

Venguda dei colleccions dau marqués de Palmy e dau còmte d'Artois, la bibliotèca de l'Arsenau fuguèt restacada en 1934 a la Bibliotèca Nacionala que n'es ara un departiment. Concebuda coma una bibliotèca enciclopedica, marca una predileccion per la literatura francesa que fuguèt tre l'origina son domeni d'exceléncia.

Se compta dins sei colleccions 14 000 manescrichs medievaus e modernes, un milion d'imprimits, 100 000 estampas, 1 000 òbras musicalas e 17 000 cartas e plans.

2/ En fòra de Paris :

Ostau Jean Vilar, 8 carrièra Mons 84000 Avinhon

Antena dau departiment deis Arts de l'espetacle de la BnF, aquesta bibliotèca especializada demòra amb l'Associacion Jean Vilar dins un bèl ostau dau sègle XVII, propietat de la vila d'Avinhon e dubèrt au public en 1979.

Met a disposicion dei cercaires una bibliotèca am'una videotèca, e tanben lei archius Jean Vilar e aquelei dau Festenau d'Avinhon. Desvelòpa un programa de manifestacions e de rescòntres a l'entorn de l'espetacle viu, subretot dau temps dau Festenau d'Avinhon.

Centre tecnic de Bussy-Saint-Georges, 14 avenguda Gutenberg 77600 Bussy-Saint-Georges

Centre d'estocatge, de conservacion e de preservacion, remplís tres missions : l'estocatge e l'archivatge de documents imprimits e numerics, lo tractament fisic de documents imprimits e audiovisuaus, e l'assisténcia scientifica e tecnica. Aquest bastiment a l'arquitectura fonccionala es dotat d'un equipament tecnologic de poncha . Es èu que realisa la plus gròssa part deis expertisas e deis activitats de conservacion de l'ensem de la Bibliotèca.

Centre Joël-Le-Theule, Castèu Colbert de Torcy, 72300 Sablé-sur Sarthe

Instalat dins un castèu dau sègle XVIII, a Sablé-sus-Sarta aquest centre òbra per la sauvagarda de documents imprimits : numerizacion e desacidificacion de massa en autoclau. Pratica la restauracion tradicionala deis imprimits, dei cartas, deis afichas de grand format e deis estampas, dins cinc ataliers especializats. Fabrica de cieras fongisticas per l'entreen dei religadurtas de cuer. Realiza una part deis activitats de conservacion de la Bibliotèca.